

趙恭毅公自治官書類集

趙恭毅公自治官書卷之九目次

長沙何祖柱蒐輯

告示

吏政類

飭查詐僞示

到任懸示轅門八款

禁紳衿包攬示

戶政類

禁借供應名色私派示

禁買辦短價賒取示

禁私徵重耗諸弊示

禁歇保包攬加派示

錢糧開徵嚴禁陋弊示

禁官員苛派諸弊示

禁火耗私派示

禁奏銷陋規示

楚屬員重耗示

禁設押差催糧示

禁藉 陛見私派示

禁糧道書役需索陋規示

奉 旨畱任再禁私徵重耗示

禁徵漕積弊示

隨漕淺船銀兩合地丁內完納示

禁兌漕積弊示

二耗米石照舊給運丁示

禁鹽價騰貴示

禁私販鹽勅示

禁私錢示

飭賑災民務沾實惠示

禁買田勒寫輕糧示

禁當舖違例取息示

禁放銀勒穀示

錢糧蠲免東佃均沾示

禮政類

飭學道拔取真才示

禁考試招搖包攬示

禁考試之弊示

禁學道弊端示

禁臨場阻考示

諭生童觀風示

勸勉士習示

禁賣淫詞諸書示

兵政類

委張參議曉諭紅苗示

禁老弱兵丁冒濫克數示

刑政類

禁刁訟示

禁衿監告詐示

禁佐貳擅理民詞示

禁私設名色示

禁健訟擾民示

工政類

禁船行捎索示

禁抽江勒索示

禁派沙夫供役示



趙恭毅公自治官箴集卷之九

長沙何祖柱寬軒

告示

吏政類

飭查詐偽示

爲飭查詐偽以肅法紀事照得本都院恭膺

帝簡巡撫湖南矢竭愚拙之誠上報

君恩下甦民困一應案牘俱親自裁決並不假手他人

本籍江南距湖南數千餘里並無宗族子弟在外經商

自治官箴 卷九 告示 飭查詐偽 一 襄陵

遊學且素性落落褻暮之年知交稀少至於雜流遊棍  
尤所痛絕恐有無藉之徒假托招搖希圖撞騙銖于法  
紀合行飭查爲此示仰撫屬官吏軍民人等知悉如有  
外來之人指稱本都院宗戚知交潛投莽店或詭言拜  
謁或托名體訪察其語詞荒唐形跡詭秘者立行擒拿  
併歇家一同解院以憑究訊照光棍例發落其地方官  
不行稽察或墮奸術定以知情通同從重叅處各宜凜  
遵毋得泛視

到任懸示轅門八款

一本都院正已率屬禁絕餽送闔屬文武大小官員樂  
不許沿習故套借稱令節生辰混投一摺違者叅處該  
吏傳稟一併重責

一本都院素性簡樸且俸金有限每日需用不過米薪  
菜腐等件俱發現銀錢照依時價平買並不濫取一物  
虧損絲毫如買辦人役剋扣價值攙換低潮或賒支或拊  
勒擾害舖行者許卽赴轅稟究

一地方大弊大害關係 國計民生以及貪官蠹役壞

法害民者許直書事情陳告聽候查奪其餘一切細故捏詞誑聳或舊事翻新牽告無辜者除不准外提代書重究

一本都院總理錢穀兵刑凡 欽 部事件各屬員自能依限速結倘玩愒相沿愆期遲悞卽提經承嚴行察比如敢僱倩搪塞除重責解差外仍拿正身加等治罪併將本官照例報叅

一各屬官員均有地方之責或因公事稟見該吏如敢需索門包故意阻攔者察出定行究治其府屬官員事

畢卽回不得逗留觀望違者叅處

一本院關防嚴密凡鉅細政務悉係親裁如書吏門子承舍等役交通內外借端撞騙者察出立拿究處重則杖斃

一凡解審人犯遠近不等盤費維艱務須隨到隨解以便示期審訊卽便發回如有棍蠹包攬指稱衙門陋規需索使費許本犯當堂稟明立拿究追不貸

一本都院職司風紀首在察吏安民湖南吏治極壞民生日促總由上司朘削州縣而州縣剋剥小民私徵重

耗官蠹分肥以致閭閻窮困愁怨不堪本都院恭承  
諭旨現在確訪糾叅各屬亟宜猛省毋貽後悔

禁紳衿包攬示

爲嚴禁包攬把持之積習以清蠹賊以安地方事照得  
本都院欽承

簡命撫綏縣土期於矢志澄清禁戢強暴使四民咸登  
衽席之上庶無負

朝廷委任至意但爲治必求其致治之源而立法先祛  
其害法之衆本都院素知楚南現在鄉紳無幾而且各  
自愛鼎新至公庭惟是文武生員及捐納貢監其中廉  
隅自飭者固多而包攬錢糧把持詞訟構通棍蠹結納

官吏詐騙小民者亦復不少第念楚南兵燹之餘卽地方各官尚須愛恤殘黎以扶元氣况紳衿貢監乃不軫念同鄉其井而反魚肉之乎總以利慾薰心罔顧身家名節殊不知一經敗露非徒無益而刑戮隨之不幾身名交喪耶本都院與爾等誼切痼瘼不憚諄諄誥誡合行嚴禁爲此示仰撫屬紳衿貢監人等知悉自示之後務宜痛改前非大破積習毋許包攬錢糧毋許把持詞訟毋許捫通棍蠹結納官吏倘能安分守己卽是端人如敢怙終不悛仍蹈故智或經訪問或被告發定行斥



革究擬必不少寬本都院立法如山慎切審試

戶政類

禁借供應名色私派示

爲嚴禁借名私派以避民困事照得湖南積弊私派橫行官役通同慣惡里長指一派十上下分肥小民苦累已極流離轉徙聞之痛心本都院欽承

簡命奉任撫綏又親奉

諭旨力減加耗盡革私徵暫爲窮民剔除大害稍延殘喘茲屆赴任一切日用薪米菜腐俱發現錢平買並不用地方官一看一飯並不費地方官一分一文誠恐

不肖官役仍踰綱習借名派擾殊爲未便合行出示嚴飭如有指稱供應下程各色派取里民行戶者或經訪聞或被告發官叅吏處決不姑貸法在必行慎勿輕試

禁買辦短價賒取示

爲曉諭事照得本都院素歷艱辛久甘澹薄今雖叨磨  
節鉞猶是寒儒色相况俸金之外并無分文每日需用  
不過米薪蔬腐悉登紅簿給發欵銀現錢照市價平買  
並不許買辦人役托詞賒取短少絲毫合行出示嚴飭  
爲此示仰閭閻軍民人等知悉凡係本都院日用物件  
俱現發銀錢照民間價直平買如該役攙換低潮及給  
價遲延故意侵扣者許爾等即時扭稟以憑查實究處  
決不姑貸

禁私徵重耗諸弊示

爲欽奉

上諭事照得湖南地瘠民貧苦累不一共最廢虐而可  
痛恨莫如橫行私派與重收火耗二端本部院向在江  
浙久悉傳聞上年會審紅苗一案經過地方留心體訪  
更得其詳大約正供之外巧設軟控硬跪公費腳價諸  
名目有按糧每兩加派三錢至五錢不等者有借稱公  
務運事私派一年之內難以計數者地丁銷筭有派驛  
站銷筭有派刑名費用有派漕糧而糧費用有派甚至

州縣到府與府廳到省無一不派上司生辰令節與新  
官到任鋪設過客下程代儀無一不派且地方官之食  
用物件有發價之名無發價之實亦無一不派况衙門  
之書役悉其需索經手之里胥任其操縱是官之所得  
者一而下之所出者不至於二三不止又花戶完納條  
編重數稱取每兩加耗二三錢不等嗟嗟焚黎敲脂吸  
髓未絕虎狼剝肉剥膚翻蠲鳩鵲無怪乎顛連困苦日  
卽於流移死亡而莫知究極也我

皇上仁覆遐壤慮切民艱本都院 陛辭之際親承

天語特頒。諭旨嚴飭。大小屬員。肅改前非。洗心奉職。  
力減加耗。盡革私徵。務使流移者獲返鄉閭。守業者獲  
安。隨取以副朕軫念遠省民生至意。欽此。跪捧。

絲綸湖南數百萬生靈感沐再造

皇恩永永頂戴與天無極矣。本都院蒞任之日。卽恭設  
香案宣讀。

聖諭。仍將黃刊布。通曉官民一體欽遵。外誠恐不肖官  
役利慾薰心。罔知洗滌。甘蹈法網。有負

聖天子浩蕩洪慈。合行出示。嚴飭爲此。示仰撫屬官吏

自方官置學老力  
卑民人等知悉湖南百姓困於虐政已非一日今我  
皇上洞燭情弊嚴行警飭且姑寬既往許以自新誠爾  
等官吏悔罪爲福之時也本都院忝任撫綏躬膺表率  
若仍聽積習相沿不爲小民尋一生路上辜

主德下拂民情本都院雖死葬江河不足塞責昔人有  
言一路哭何如一家哭嗣後如該地方官不遵

諭旨怙惡不悛擅於額徵條編外私派分毫乃仍前重  
收火耗剝削小民逢迎上司而司道府廳亦利其賍私  
通同徇縱是誠不畏刑法也是誠不顧子孫也本都院



心清面冷立刻衆奪追難治罪斷不稍避嫌怨姑爲寬  
假使黷枯赤子終無求活之門膽大貪官仍享悖入之  
利亟宜省改無限身名

禁欺保包攬加派示

爲嚴禁欺保害民以除湖南大弊事照得湖南百姓憔悴虐政已非一日而害民尤甚莫如私派其各軟攬者每糧一石加派至四五錢不等又名硬派者每糧一石加派至四五兩不等吸髓既膏賣兒鬻產笑哭子遺不死卽逃幸荷

聖明洞鑒特頒

諭旨本都院欽承

天語嚴飭屬員盡革私徵已經通行飭禁在案但私派

橫行牢不可破固由於官吏之貪污尤起於欺保之包  
攬訪得無賴棍徒投認欺保魚肉小民借私派以逢迎  
州縣卽借私派以分潤肥囊賄私悉歸掌握出入一任  
指揮不肖州縣墮其牢籠不得不受其挾制稍不如意  
卽引類呼群指賍嚇詐州縣恐遭發覺因而曲處調停  
此輩興滅自由愈無忌憚始而害民旣吞聲而無可訴  
繼而害官亦歛恨而不敢言欺保之流毒至此鮮不欲  
食肉而寢皮矣本都院訪聞旣確現在審拿寃處外合  
亟出示嚴飭爲此示仰撫屬官吏軍民人等知悉凡地

方一切陋規已遵

聖諭盡行禁革如有大膽棍徒仍借欺保名色包攬錢糧  
派索雜費爾被害人等卽指名赴轅呈控以憑立拿  
處死地方官徇庇不舉卽以知情一體飛奏法在必行  
慎毋玩視

錢糧開征嚴禁陋獎示

爲再行嚴禁徵糧陋獎以恤民力以澄吏治事照得湖南私派橫行而加耗亦較他省爲獨重本都院恭膺簡命來撫此邦

陛辭之際欽承

天語諄諄以盡華私微力減加耗再三誥誡特頒

諭旨更奉勉力做去之訓詞蒞任以來宣布

德意期與屬員洗滌舊污共砥清白奉法愛民仰副

聖主軫恤黎元至意又念小吏不廉總由大吏不法而

自治官書

卷九 告示

開征嚴禁陋獎

八十三

懷麓堂

端本澄源當自廵撫始所以其心淡泊不敢以寸絲粒  
粟下累屬員天日可鑒耳目難欺凡居民牧諒宜共體  
但漸染已深矯正不易潔已自愛者固不乏而嗜利忘  
身者亦不少今當康熙四十三年錢糧開征伊始誠恐  
從前陋弊未克盡除上負吾

君下負吾民以重予咎令再出示嚴禁爲此示仰撫屬  
官民人等知悉凡徵收正項錢糧務照全書起派數目  
令小民自封投櫃如或奸頑抗餉卽行按欠拘比不得  
仍踵前弊私徵重耗貪黷卑頭苦累小民倘有不肖官

竊不遵飭禁貪黷如故或經訪問或被告發官則飛章  
奏處役則立拿杖斃決不稍貸如本都院表率不端以  
致敢行貪濫任爾官民指實控告本都院願甘顯謬以  
謝湖南數百萬生靈爲不肖巡撫戒言悉由中從無曲  
贊各宜凜遵慎毋忽視

禁官員苛派諸弊示

爲特除上行下效之積弊共砥大法小廉之實政以肅  
官箴以甦民困事照得湖南僻處邊徼叠遭兵燹雖  
聖恩浩蕩蠲恤有加而民氣凋殘瘡痍未起所賴身任  
地方者滌除苛政悉意撫綏庶幾哀鴻可集共享昇平  
我

皇上聖明遠照洞察民艱特以重耗私徵  
天語叮嚀務期整剔本都院欽承

諭旨已經給示分發飭禁在案但州縣亦邀一命豈有



怒不畏死所以橫行而無忌總由上下之通同郡守者  
州縣之表率也今湖南知府以及直隸知州於所屬起  
解錢糧不論地丁南漕驛站每百索銀三兩或名驗批  
或名硃貨或名公堂或名過平名目雖殊婪贓則一又  
如奏銷一項該管府州亦惟還項吹求每縣每項勒  
索規儀四十八兩六十兩以至一百二十兩不等檄催  
差取公然勒索再如盤察倉庫原杜有司虧空承察府  
州每小縣索取常規一百二十兩大縣索取常規二百  
四十兩惟較饒送多寡不問倉庫盈虧此外種種苛求

夏難悉數知府直隸知州取之州縣則州縣不得不取之百姓借劔而殺其非自殺之也一聞耳知府直隸知州如此夏進而上之諒有同心無待言矣伏讀

欽賜

御書督撫箴有云曾是源濁而流則清曾是表正而影則傾大哉

皇言其戒勗督撫之意深矣切矣然則處茲地而言澄源端表之道當自巡撫始巡撫貪則屬員安得不貪屬員貪則窮民安得不逃而且死也本都院身受

隆恩殫心報効先以一已爲屬員倡合行示諭如巡撫稍有不法之心或有非法之事爾等官民即當共聲其罪以爲負心殉愆之戒倘或本都院正已率屬自問無媿而爾等屬員仍然需索下屬剋剝小民使

天恩不被遐壤殘黎獨抱向隅本都院疾惡如仇斷不能姑畱敗類日媿民膏霜簡一登身名俱喪亟宜猛省毋貽後悔

# 禁火耗私派示

爲再行禁絕火耗私派以甦民困事照得屬審之要首  
重律身民困之深莫如橫歛頃者屢奉

嚴諭諄諄以暗派私徵爲戒誠以惟正之供尚煩該捕  
斷難容無藝之求不經之費以重累小民也年來銅獎  
日滋泥風莫遏爲有司者身居民上罔恤民艱凡害民  
稅政非止一端而惟橫征私派之弊爲禍尤烈如收解  
錢糧私加獎餘火耗解費雜徭每浮額數以致公私一  
切費用皆取給於里民若日用之米蔬供應新任之家

伙案衣衙署之興修蓋造宴會之席面酒餉上司之鋪  
設供奉使客之小飯下程提事之打發差錢戚友之抽  
豐供給節序之賀慶禮儀衙役之幫貼工食簿書之紙  
札心紅水陸之人夫荅應官馬之喂養走差與夫保甲  
牌籍刊刷由單報查災荒編審丈量等項皆有使費陋  
規難以更僕枚舉總之無事不私派民間無項不苛歛  
里甲而且用一派十用百派千以飽贓官婪蠹之貪腹  
嗟嗟小民膏血有幾而能滿此漏卮巨壑哉若浙閩遼  
海要區軍興未息風俗靡家鮮蓋藏卽使加意撫循

猶恐積疲難起豈民窮財盡之時災皆頻加之後而尚  
堪無端剝削也本都院深維禁飭之方可無補救之法  
大抵士人厠身宦籍其榮華享用之志久已交構於胸  
中卽眷屬親朋之徒盡仰周全於鼻息所以幸憚一官  
靡不身家念重廉耻心墮縱有稍知自愛者亦謂地方  
用度無出勢不得不取於民間殊不知果能矢志狷介  
自然節用愛人諸凡室宇之美妻妾之奉與身衣口食  
日用常行之需俱當刻意簡省所謂儉可養廉是也且  
一介不取之屬員上司具有良心敬愛不暇又何禮節

之誅求乎至於自既淡泊則鄉親遊宦無豐可抽守若  
端嚴則兵馬公差有威可畏方將退避三舍尚敢肆其  
需索哉夫居官者若於操守有玷雖具他才小能不足  
錄也卽安民者不除橫歛私徵而欲家給人足有是理  
乎故本都院於申飭官常之外特爲拈出此條誠以遵  
功令肅官箴方繫庶務莫先於是爲此通行示諭自  
今以後務須力洗陋弊易轍改絃如前所指加耗私派  
等事痛加禁止一意以潔已愛民爲主誠思昔賢懸魚  
齒憤之風豈異人任本都院採訪極確衡鑒最公能遵

守者有特疏薦舉之例有三年卓異之典自當特爲表揚以脩超擢倘有志在溫飽冥頑不悛稍有違犯定卽不時糾參請

旨拿問追擬彼時功名不保身家隨之懊悔晚矣惟是大法而後小廉形端而後表正標榜之立請自本都院與監司方面爲始此後若有不肖上司需求屬員苞苴賄賂者俱許據實呈揭以覓立付白簡本都院肅條貞度決不自食其言此外過往無名之費有妄干者俱卽指名具報法以懲之誰敢不惕凡此公私費用需索之



源流蓋杜康幾火耗私徵橫歛之錮樊可止矣

禁奏銷陋規示

為再行嚴禁奏銷陋規以遵

功令事照得徵收錢糧陋弊非一及至造冊奏銷不肖  
官役又指稱部費名色橫派肥囊而上司因此索奏  
銷規禮士棍學藉借此得派奏銷費用層累增加飛  
催酷比軍民吞聲剝肉無可控訴各省積弊皆同湖南  
苛派尤甚本都院上年四月蒞任適屆奏期已經嚴  
行飭禁茲當奏銷康熙四十二年民屯地丁錢糧及  
南漕積穀等項之期誠恐該地方官故習復萌藉端私

自前年以來  
或稱部費或稱院司道府縣造冊帑筆飯食勒索  
陋規悖違

諭旨除密行訪叅外合再出示嚴禁爲此示仰撫屬官吏  
軍民人等知悉如州縣衛官役假稱奏銷名色私派前  
項各費及司道府縣任蠲需索擾害軍民一經訪聞或  
被告發官則飛章叅究役則立拿處斃本都院稟遵  
聖諭普甦民困斷不能因循姑縱市恩官役流弊絜元  
各宜省改毋得玩視

楚屬員重耗示

爲再飭大法小廉之實政以塞貪源以飭吏治事照得  
小吏之貪蘇視大吏之表率湖南向來吏治幾不可問  
小民困苦已極本都院欽承

帝簡就甄以察吏安民爲務下車之始卽行該司道府  
州縣爲特除上行下效之積弊共砥大法小廉之實政  
等事畧言州縣之橫行無忌總由上下之通同而澄源  
端本之道當自巡撫始巡撫稍有不肖之念或有非法  
之事爾等官民卽當共聲其罪以爲負心殉慾之戒并

給示曉諭在案本都院兩載以來衣粗食糲早作晚休不敢圖巡撫之體面不敢累屬員以口腹無非以身作樣感悟他心期於守約奉法上遵

聖主之嚴綸下聞窮民之元氣然本都院律已寧刻而待人常寬不以已之所爲而強人以所難湖南屬員未嘗食稿飲泉也未嘗懸魚瘞鹿也旣不能爲古之廉吏亦何至爲今之貪官乃有愍不畏法如安化縣之多收火耗岳州衛之私用重法署湘潭縣之見事婪賍黔陽縣之違禁襍派或登白簡或列露章各皆功名莫保何

嘗落得便宜至於道府直隸知州既爲上司自當正已  
率屬猶恐陽奉陰違豈意因循故習剋剥多端尋常交  
際之外更復百計苛求始而托言借貸繼而預支節禮  
無論州縣不能壓其貪心卽使勉強奉承而所求旣遂任  
其所爲上司取之下屬下屬取之百姓有何上下有何  
法紀思之可恨言之可羞查 新例內上司與州縣借  
貸等弊發覺照貪官例處分該司等漫無稽查是失察  
也知而故縱是徇庇也該司等固不以功令爲心獨不  
以溺職爲慮乎本應一併糾叅姑行嚴飭爲此仰布按

二司官吏卽便移行各衙門遵照 計典之後所屬州縣衛如有不遵禁令多收火耗私用重法見事婪贓違禁雜派者卽據實詳揭以憑叅處其道府直隸知州需索下屬托言借貸預支節禮廉訪得實併卽揭叅與受同罪本都院飭吏治以安民生塞貪源以彰國法不得不於該司是問倘仍瞻徇本都院徑行題叅後悔無及

禁設押差催糧示

爲嚴禁無名之差以除民害事照得小民田租自應及時輸納非甚頑梗誰敢拖欠正供但民力有限雜費耗之而糧不得完矣差役擾之而糧愈不得完矣至於押差之設尤可痛恨夫花戶欠糧押拘聽比亦不得已而用之若押差者不待開徵而先押矣不分完欠而花戶盡押矣不思此等不耕而食不織而衣押一都而一都受其魚肉押一里而一里恣其侵吞沿鄉督催索飯食索盤纏借名包攬收正項復收私派錢糧到手則飽在



役而欠仍在民虧空盈千則害在官而病且在

國甚至結連衿棍見事風生串合衙賓通同作弊無異  
虎狼之擇食公然魑魅之現形有司任其欺朦窮民莫  
可控愬合行出示禁革嗣後徵比錢糧遵用滾單挨比  
如頑戶抗欠不完及臨比不到方用差拘照數勒完其  
一應押差及急公餽東人役一槩革除敢再因循陋弊  
巧立名色生事害民官則飛章叅處役則立拿杖斃決  
不輕貸爾等糧戶既無差擾便須將應完糧餉依限輸  
納慎勿拖欠反令官役藉口使本都院愛民熱腸終歸

灰冷各宜體之特示

自治官書

卷九

告示

禁殺野禽

三

懷麓堂

禁藉 陛見私派示

為特行曉諭以杜私派事照得湖南私派累民借端生  
風深可痛恨本都院蒞任五載已經嚴行飭禁在案茲  
本都院自正月前往江南恭迎

聖駕叩請

聖安及今回署往返兩月有餘盤費五十餘金俱係支  
俸備用誠恐不肖官吏借名科派婪利肥囊上違

功令下害民生合行出示曉諭為此示仰撫屬軍民人  
等知悉如有地方不法劣棍拴同不肖官蠹指稱本都

院接

駕名目私派絲毫者許受害之人據實首告以憑立拿  
棍蠹杖斃官卽叅革究追其通同與受不行首報者一  
經本都院察出定照例治罪仍將失察該管上司以徇  
庇嚴叅法在必行决不稍貸爾等官吏毋得忽視特示

禁糧道書役需索陋規示

爲嚴禁書役需索之弊以除蠹害事照得州縣起解錢糧該道自應遵照

部頒法馬卽行彈收不容衙役人等稍有勒索致滋虧拆本都院蒞任之初訪問該道書役兌收錢糧每千索費五六兩不等卽應拏究第恐風聞未確姑稍遲寬乃於本月初六據永興縣詳開驛糧道衙門本年四月內起解銀三百八十八兩房費每千六兩不勝駭恨查私派已經革除火耗亦經力減况州縣公捐各項頗不爲

少卽有餘存諒亦無幾何物大膽書役一年収銀需索銀竟至七八百兩除行該道嚴審確實治罪追贓外合行出示嚴禁爲此示仰驛糧道書役人等知悉嗣後各州縣起解錢糧到道卽行照批彈収如有仍沿舊弊勒索陋規者一經察實卽拏杖斃仍將該道以失察叅處法在必行斷不姑貸

奉 旨 留任再禁私徵重耗示

爲特行嚴飭私徵重耗以肅官箴以甦民困事照得本  
都院才庸德薄識陋性迂遭遇

聖明謬膺重寄蚤夜兢兢惟懼不克察吏安民事負

皇恩是以蒞任以來恪遵力戒加耗盡革私徵之

諭旨嚴飭大小屬員實力奉行而本都院尤先正已率

屬禁革一切陋弊粗衣糲食茹苦如飴不顧身體不圖

受用無非欲爲屬員作榜樣共凜

功令盡滌肺腸省得百姓一分脂膏亦免自己一分罪

孽今者例應罷斥復荷 聖慈革職畱任既沐浩蕩

殊恩敢不益圖撫綏盡職但近來各地方官利慾薰心  
縱恣無忌私派重耗朘削非一總由上司利其陋規甚  
至書役亦藉端勒索所以州縣乘此機會大膽婪贓藐  
法虐民可恨已極除司道蠹役現在拏究及派耗貪員  
確查嚴案外合行出示曉諭爲此示仰撫屬軍民人等  
知悉如有不肖劣員及衙門蠹役罔遵法紀仍前重派  
私耗苦累小民爾等立即據實控告以憑官察役斃其  
該管上司通同徇隱一併糾參斷不輕恕



禁徵漕積弊示

爲嚴禁徵漕積弊以甦民累事照得漕糧漕銀厘毫顆粒俱係小民膏血經徵各官應宜恪遵

功令毋容絲毫苛歛乃湖南有漕州縣從前開徵之時先議道府廳常規開倉花紅修倉鋪墊又有縱遣家丁藉名看倉監收拴同經胥里棍船戶斗級人等每遇里民交納米石需索常規酒禮稍不遂意則稱米色潮碎備屢勒耗私造大斗淋尖踢斛不一而足遠鄉之民負米倉前守候日久不能完納以致人人視爲畏途情願

折銀而經胥差役又復得以串通分肥不作完數不給  
完串迨至清查仍然照冊開欠差額追比小民畏其敲  
扑飲恨吞聲更可恨者道承府快貪緣差票借事生風  
任意橫索種種弊竇大爲民害殊干法紀本都院蒞任  
以來凡一切陋弊嚴示痛革在案今值清糧徵收之候  
誠恐不肖有司陽奉陰違仍踵故轍滋弊害民亦未可  
定合行出示嚴禁爲此示仰撫屬有清州縣官役里民  
人等知悉本年分應徵漕米務須潔已奉公遵照本都  
院頒發較准制斛斗升照額平量隨到隨收隨給串票

不許故意刁難仍用大斗淋尖踢斛加耗折銀致滋民  
害非不得縱遣家丁監收抑勒如道府廳州縣勒索常  
規或縱姦舞弊或被告發或經訪問官則叅處經收人  
役立拿杖斃決不寬貸各宜凜遵慎之慎之

隨漕淺船銀兩合地丁內完納示

爲

聖治已極隆平等事爲照湖南所屬各府州縣隨漕淺船銀兩爲數無多若另徵給串則小民零星分納不無滋累莫若於串票內註明完納地丁漕項數目庶徵比不致混淆除據詳繕疏會題外合行示諭嗣後凡完納錢糧地丁漕項俱於三聯串票內註明納戶某人完某年地丁條餉若干隨漕淺船銀若干以便稽查不必分串另收零星完納致滋苦累敢有大膽經胥藉端刁

難指勒小民者許被害之人赴轅控告立拿重處  
併以縱蠹殃民指名叅究决不輕宥慎之慎之

禁兌漕積弊示

爲嚴禁兌漕積弊以甦民困以速兌運事照得漕糧北  
上一切運費及交通席木板片皆有額設錢糧又有二  
挂給軍米石往返儘可敷用乃各衛旗丁赴次受兌騰  
竊

功令恣意魚肉勒索船規腳費飾說淋尖設立鋪船裝  
艙開鑼穩跳以及花紅酒禮插籌置會種種需索不足  
不休稍不遂慾或托故延捱不行收量或倡率黨夥毆  
辱解米員役甚至鳴鑼呐喊形同叛寇豈

國法獨寬此輩橫行耶再如領運弁目勒索規儀稍有拂意指執通關實收縱容旗丁指使撒潑尤堪痛恨又有管糧衙門書役亦巧立飾處樣米派撥修倉填單各項名色稍不遂意捏稱米色花紅潮碎押令飾處外加耗米甚至將派定丁船復行更換以致各屬山溪小艇守候於湖波砢砢之中若遇雨雪飄淋損汜又將誰諉更有一班劣衿積棍包攬開解乘機暗索串同猾蠹及押運官役家人人等將二耗米石私折銀兩到次給旂各圖便益分肥致旂丁得以興販任意花費領押官弁

漫無覺察以致未及抵通早已虧缺正米以上諸弊病  
民悞清殊干法紀本都院蒞任以來屢經嚴行示禁今  
值新漕開兌之際誠恐日久弊生官弁旗丁經胥積蠹  
人等不畏

功令復蹈故轍亦未可定爲此示仰撫屬司漕官吏及  
運糧官軍人等知悉本年兌收漕糧各宜洗心滌慮恪  
遵法紀速行兌運毋得仍前恣肆苛求敢有故違或經  
訪聞告發官卽糾叅旗丁蠹役人等立斃杖下斷不姑  
貸慎之



二耗米石照舊給運丁示

爲軍命例懸等事爲查二耗行糧月米白應祇遵

部議仍照原題扣抵且漕糧應聽總漕部院主裁不

便撓越而各丁惟稱總漕部院衙門駐劄淮安奔額

不及環署呼號情狀迫切惟思湖南運艘遠於江浙且

無漕贈漕截惟藉二耗行月食米以資飛輓並非江浙

有別耗可比今若扣存二耗僅餘行月米折銀之十兩

四錢使各船越數千里以達京師枵腹堪憐難免遲悞

本都院日擊情事殊難忽置欲咨請漕院具

題往返需時無濟開帑是以暫從權宜不顧處分一面  
具疏題明一面照舊給發以速輓運以免遲悞合行  
示諭荆岳沔武左右六衛一百八十二船趙陳大等知  
悉今康熙四十五年二耗米石原係部覆應行扣抵  
之項本都院深悉爾等窮丁重運遠涉數千里往返日  
食所需又總漕部院遠馳淮上春請無及是以不顧  
處分業於本月初八日徑行拜疏題明併抄疏飭行  
驛鹽糧道查明如無掛欠須抵免其扣留防欠卽將各  
派二耗照舊如數給發不得縱任經承藉端扣減升合

員等卽日赴道具領便須刻日開帮作速依限前進活  
運不得逗畱并不得花費顆粒此番抵通交倉如有掛  
欠卽是木都院責成除將給過耗米親提嚴追補項外  
定將該丁以軍法重處斷不姑寬仍取實在傾狀并不  
致掛欠并結投道轉費查核爾等運丁各宜體悉務必  
遵須至告示者

禁鹽價騰貴示

爲嚴禁鹽價騰貴以甦民困事照得鹽舫一項乃小民  
日用之需本都院深悉鹽貴病民之弊嚴革陋規飭定  
鹽價不啻三令五申今訪問長沙鹽價每包賣至一錢  
八九分不等較之往昔大相懸殊明係奸牙積混交通  
囤戶欺公罔利目無三尺剋剝小民任意高擡深可痛  
恨除現在拿究外合行示禁爲此示仰長善二縣官民  
并牙行人等知悉鹽舫賣買務遵定價公平出售毋許  
奸牙故意高擡病民敢有不遵示禁仍蹈前轍者許地

方官立即嚴拿解轅從重治罪如有不肖官役需索陋規以致費多價昂許即據實首報立行叅拏決不姑貸  
慎之慎之

禁私販鹽勅示

爲嚴禁私販不法棍徒生事以疏額引以除蠹害事爲  
照行銷引鹽課帑攸關務期地方官弁凜遵

功令加意嚴緝庶私販屏絕官引疏通乃有愍不畏法  
之徒只計蠅頭微利罔知律例嚴切結黨成群恣意興  
販大干法紀而地方官弁亦怠惰偷安漫無覺察甚至  
不肖官役沿襲陋弊需索疲商更有土棍霸聚藉端勒  
索以致費多價增窮民苦累陋弊殊甚痛恨合行示禁  
爲此示仰衛永寶三府文武官弁軍民人等知悉嗣後

務宜恪遵

功令屏絕陋規嚴行巡察如有不法之徒仍然結衆販私者速卽擒拿究追照律治罪其巡緝兵役不許生事滋擾至地方官役需索陋規及土棍霸豪藉端勒詐一經發覺定行分別叅拿嚴行究處該商亦不得射利增價貽累窮民致干併叅各宜凜遵慎之慎之

## 禁私錢示

爲嚴禁私錢以杜奸僞事照得制錢關乎

國寶不容撓雜私錢上年查各錢舖內有永昌利用等  
樣廢錢殊屬違制本都院已經出示通飭嚴行禁止  
近見街市行使錢串竟以不堪小錢混行撓用每百至  
二三十文不等皆由兌換錢舖貪得蠅頭故將極細極  
薄之錢撓雜兌換民間買賣因循行使及以錢易銀又  
歸舖內如此流行竟無底極查此細薄不堪之錢既非  
制錢卽爲私錢定例私鑄與行使私錢之罪俱關身



家性命爾等何得倖貪微利致罹大咎合再出示嚴禁  
嗣後舖戶兌換併民間買賣俱遵用官錢交易其一切  
細薄小錢槩行禁止仍赴地方官呈繳照銅鉛劬兩估  
價給發將錢銷燬如敢故違仍將攬用私錢及各廢錢  
一經察出定將本人併兩隣十家長俱照例治罪決不  
姑貸各宜凜遵勿輕試法

飭賑災民務沾實惠示

爲曉諭事照得岳州府屬華容縣夏被水災先經本都院批委慈利縣知縣劉章澄親歷會同該縣踏勘已據藩司詳覆勘明成災造具被災冊結并請動支倉穀賑濟業已據詳題達在案復經本都院檄行藩司轉委岳通判會同該縣挨戶確查真正被災人口數目造具清冊詳實以憑核奪發賑昨據藩司查取該縣被災戶口共計三千四十五戶大口八千八百六十名小口五千九百八十九名俱以發賑一月爲止大口每日給穀

一升小口每日給穀五合當卽批令速飭岳州府前往  
監賑去後又以該縣存倉穀石不敷准借鄰縣本都院  
捐給水腳不許派累復准部文將存倉穀石查明動  
支賑濟將賑濟過饑民姓名起止月日動用穀數造冊  
取結具題等因雖經行令藩司出示曉諭但念爾等  
窮黎慘被災傷家口嗷嗷望賑甚急監賑官員雖有原  
經查明戶口數目臨倉按冊散給誠恐積胥奸棍乘機  
虛冒該管經承人等需索指勒致令爾等不得悉沾實  
惠合行出示曉諭爲此示仰華容縣被災人等知悉爾

等務宜各照原報實在戶口人數赴縣出具花名領狀  
聽候監賑官會同該縣親詣倉前唱名散給以濟饑饉  
不得以少報多不得捏名冒領致干重懲如有積胥奸  
蠹乘機虛冒及經承斗級需索勒捐或於應給數內短  
發抽扣致爾等不得悉沾實惠受害人民立即扭稟該  
府究處倘該府徇庇故縱赴院控訴官則飛章嚴劾役  
則立拿處死決不輕恕慎之慎之

禁買田勒寫輕糧示

爲嚴禁買田勒寫輕糧以絕包賠以甦民累事爲照民  
間田產買賣自應按畝照則收糧輸納庶不苦累原主  
乃有等富戶矜茲窮民將田相售遂故爲刁難勒令契  
內不照本田科則非以多作少卽減重爲輕而貧民止  
顧圖價濟急只得忍減糧石寫立契券是富戶買田入  
手坐享輕糧之利而窮民田已出賣仍納無田之賦包  
賠貽累殆無窮期甚至賦稅難輸逃亡相繼害民虧課  
莫此爲甚合行示禁嗣後民間買賣田產務照本田畝

數科則或上或中或下該糧若干分晰明白書立契券  
過割管業不得勒令賣主改寫輕則遺害包賠一經訪  
聞或被告發卽以縱惡害民溺職叅處法在必行各宜  
凜遵

禁當舖違例取息示

爲嚴禁違例取息事照得典當之設原以便民第查湖南地方當舖則錢有出入輕重之分呈色高低之別當錢則不論時價之貴賤且逾月五日卽扣一月之利名日加三實倍加四甚至年滿愆期不允取贖竟行發賣本都院蒞任以來深知此情業經通飭在案近訪聞各屬當舖竟不遵依仍然如故地方官亦漫不稽察殊屬疎忽合行示諭嗣後開典當舖務須公平交易不得輕出重入捐勒小民其票內須填明日期按日照數加算

不許執月不過五之說多勒利錢亦不許借讓利五日之名反多取二十五日之利如年滿愆期亦宜按月照數扣算毋得徑行發賣其當錢必扣明時直錢價作銀填票總不許違例取息於三分之外如有不遵仍前多勒重利剋削窮民者許受害人等執票扭稟地方官查明重處倘該地方官瞻徇不究或經訪聞或被告發定以贖職指叅各宜凜遵毋貽後悔慎之思之



# 禁放銀勒穀示

爲嚴禁輕價勒穀事爲照民間揭借銀穀出於萬不得已如放銀勒穀利倍於本利復起利大于禁令有等富貴之戶倚恃豪強只圖纒利肥家不顧貧民艱苦待青黃不接之時值窮民枵腹之際機乘迫促假名應急不論時價高低貸銀一兩勒寫批約限至秋登還數十石以及十一二石不等而貧難小民只得俯首聽從怨恨領歸迨後償不及數以穀計筭加五索利甚至勒令鬻償取足方休是貧民終歲胼胝尚不得食顆粒而勢豪

坐享重利剝削殆盡以致田租官稅兩欠無輸以此違  
例重收不特有病窮民而且實以悞

國深堪痛恨令行示禁嗣後借給銀穀如年歲豐稔每  
銀一兩不許取利於三分之外每穀一石止許加利於  
三分之內如遇歉歲止償原借穀本不得照常索取利  
穀至借銀勒約還穀永行禁絕倘勢豪有力之家不遵  
禁令仍敢以銀勒穀出借以穀計利倍收苦累窮民者  
許被害人赴地方官呈稟查實按律治罪該地方官務  
須實心查禁倘敢悖違一經察出定以不恤民艱叅處

各宜凜遵毋輕試法愼切愼切

錢糧蠲免東佃均沾示

爲敬陳一得等事爲照蠲免錢糧分數例應分作十分以七分蠲業戶以三分蠲免佃種之民合行曉諭將本年分各名下應免銀米照數分蠲務使均沾

聖澤如有業戶不遵仍照常勒收者一經訪聞或被告發定卽重處該管有司匿不舉報併以失察叅究不貸

禮政類

勸學道拔取其才示

爲再行嚴飭考試務收真才以光

盛典事照得三年兩試所以考業程才典至隆也我

皇上致治太平振興文教於學使一官尤爲慎重

特製考試數頒示學臣口誦心維莫不感激愧悚但秉

衡造士雖不乏人而奉法修名亦不易見其黷貨棄才

昧目喪心固無足數卽賢智者流亦往往逢迎上司周

旋當路廣延聲譽與曠清華究其從來不過奪寒士之

功名營一身之富貴堪嘆璞玉空泣荆山雖負凌雲徒遭按劍言念及此殊深痛恨本都院仰體

聖天子命官董學之至意屢經示勸在案今當復行歲科正士子觀光之會本都院若不三令五申是負士以負

皇上也如申令既明而才者不收收者不才是非三尺之所能貸也合再出示嚴飭爲此示仰提學道官吏并闔屬官民暨文武生童知悉如學道考試巡撫沿襲規例接受絲毫及開列生童坐名薦取者許該學道據實

首報部院科道各衙門以聽糾叅如學道考試該地方文武衙門有把持挾制得錢說情講補廩講保等講進學者許該學道據實申報本都院以憑叅究違者一併叅處如學道考試該提調官有代投私書妄行乞恩者許學道據實申報本都院以憑叅究違者一併叅處如學道考試該衙門書役有內外通同包攬補廩保等進學者許諸生童指名首告以憑嚴拿重究如該生童內有文理不通騎射不諳混取優等冒濫入學者許諸生童指名首告以便提覆查究凡此諸條本都院再申約

束該學道務須實力凜遵倘敢故違並登白簡慎勿玩  
視致干未便



崇考試招搖句覽示

爲嚴拿蠹棍招搖以杜倖竇以遵

功令事照得考試乃掄才大典而孤寒實望進爲艱茲  
學院吳 粹纓華胄詞翰清班蒙

聖明特簡視學全楚窮鄉下士無不引領負篋願効一  
日之長以希出身之路乃訪積慣棍徒勾通學院衙門  
東書承差招搖包攬藐法公行深可痛恨除一面確查  
拿究外合行出示嚴飭爲此示仰撫屬官吏士民人等  
知悉如有前項不法棍徒勾通學院書役於未考之先

潛住境內招搖包攬該地方人等及應試生童卽據實  
呈報本都院以憑嚴拿盡法究處併該地方官遵照訪  
察查拿如通同徇縱定行一併叅究各宜凜遵

# 禁考試陋弊示

爲嚴飭學政之陋弊以收掄才之實效事照得學政衙門爲士子進身之始三年兩試必期秉公衡鑒毋貪賄賂毋徇請託甄拔真才肅清學校始不負

聖主慎簡學臣闔門額俊之至意乃近來學政廢弛聽信積蠹書役交通線索招搖舞弊無所不至竟使芹香變爲銅臭市販泗入膠庠殊可痛恨本都院帶理學篆訪拿積蠹已經分別叅處究革外今新學道按考所屬誠恐不法之徒復萌故智或該學道瞻徇情面藉稱公

費不能剔除銅弊徹底澄清致寒峻抱泣於螢窓津林  
實憎其鴟集是皆巡撫申令不明約束不嚴之罪也合  
行出示禁飭爲此示仰提學道官吏併闔屬生童如學  
道考試巡撫發一字干預收一毫規禮者許該學道申  
報部院科道各衙門以臆糾察如學道考試該地方文  
武衙門有把持挾制得錢說情講補稟請保等講進學  
者許該學道據實申報本都院以憑察究違者一併察  
處如學道考試該提調官併教官有代投私書妄行乞  
恩者許該學道據實申報本都院以憑察究違者一併

衆庭如學道考試該衙門書役有內外通同包攬者許  
指名首告以憑提究如生童有文理不通混取優等冒  
濫入學者許指名首告以憑提究本都院深悉孤寒之  
苦目擊考試之弊不揣迂拙力爲矯正各宜洗滌肺腸  
恪遵

功令無謂本都院僅托空言後悔無及

禁學道弊端示

爲嚴飭學政務收真才以光

盛典事照得學使一官乃文章之準而非財賄之門也  
近來積習相沿學使不能勉自振拔而局外耽耽無不  
視爲趨途或索常規或希分潤三年兩試竟爲金穴珠  
淵萬苦千愁空有青箱黃卷本都院起家寒士深悉諸  
艱叨撫名邦痛除夙弊與賢學使共矢清白廣拔英  
尤以仰副

聖天子命官造士之盛典是以前學道開考之初本都

院卽給發曉諭嚴行誥誡該學道初校長衡岳郴四府  
州頗無間言不意續考常德縱役招提取文悖謬本都  
院聽聞駭異會疏糾叅此原爲士子闢登進之門所以  
寧受怨讟而不恤也今新學道起家甲第歷任銓衡視  
學茲土聞風宵慶但學道不易做好學道更不易做非  
咬得菜根不能做好學道非硬着骨頭不能做好學道  
非破得情面不能做好學道非拚得功名不能做好學  
道誠恐考試伊始一班棍蠹故智復萌暗地交通指稱  
線索招徠舞弊煽惑人心除諭地方官密行查拿外而

正已澄源尤在該學道遏絕苞苴之端培植孤寒之路  
本都院有表率之任不得不申嚴約束該地方官亦有  
稽察之責併不得扶同徇隱一經發覺立登白簡事關  
考試大典慎勿玩視致干大法



禁臨場阻考示

爲嚴禁臨場阻考以遵

功令以肅學政事照得三年一試掄才大典臨考阻抑  
實干嚴例今據長沙縣等處童生郭地珍等紛紛赴院  
呈控咸稱廩生勒索未遂臨考阻撓兇毆碎卷等語隨  
經據呈批飭嚴查在案揆厥所由皆因各府州縣不將  
考取童生預行取締故爾不肯廩生得以臨時需索稍  
拂其意則捏稱冒籍指爲破天荒甚至三五成群統衆  
兇毆碎破試卷臨考拉出致令自門寒賤無路觀光黃

卷殘燈空啞抱璞且革除疊疊是何心胸呼籲頻頻成  
何法紀嗣後凡與試童生該府州考取發案之後卽行  
確查如果係土著或入籍二十年以上田產廬墓俱有  
的據並無違碍及非娼優隸卒之家與例相符者嚴飭  
廩生挨次出具保結同試卷送道取考如廩生不遵飭  
禁罔顧法紀勒索未遂藉端阻抑不出保結者許該府  
州縣立即查明按名詳請褫革依律治罪其該童或係  
入籍未久或是娼優隸卒與例不符毋得賄通劣廩豚  
混保送致滋冒濫如敢故違定行重寃決不姑貸

諭生童觀風示

爲觀風事照得楚南數稱多才歷代文人不少本都院  
久深向往時屢觀摩今節鉞名邦搜羅倍切採玉於崑  
山惟其所矣求材於鄒林豈其然乎所冀陽春白雪無  
靳金玉之音庶幾竹箭南金共攬川嶺之秀亟舉觀風  
合行出示爲此示仰長沙府學長善二縣學生員併童  
生有志願考者卽赴該學報名造冊俱於三月初四日  
齊集公衙門堂上聽候本都院親臨考試起此日桃花  
浪暖揮毫生紙上烟雲看來年桂子香濃聯步掇天邊

雨露慎勿泛視重負予懷特示

勸勉士習示

爲勸勉士習以弘教養事照得士爲四民之首尤屬風  
化所關努力芸窗博名泮水正雲路發軔之階也自當  
潛心篤學明理達道以期遠大若能雅志好修宜無躍  
冶之事然而品類不齊賢愚各異或把持官府出入衙  
門或包攬錢糧逋侵額賦或保舉公祖父母藉爲私恩  
射利之因或結納衙蠹土豪恣其武斷鄉曲之勢此等  
喪檢之事均干褻寵之條再則捏詞誣訟恃衣頂以修  
嫌結社聯盟重聲援而驚外凡背卧碑之訓總非士子

所宜而倖免丁糧抗不完納尤爲今日

功令所首嚴者至於博奕閑吊往往負債辱身而彼且  
視爲豪舉邁俗恬無省改則更愚而陋矣本都院素聞  
湖湘人文之藪雅具愛慕之心茲當蒞此地方用是諄  
諄勗以爲諸生訓並立法以爲諸司約惟是薦紳舉  
貢或已登仕版或名列賢書旣爲桑梓表坊自必提躬  
養望以上諸所指陳又不待本都院之贅囑矣合行出  
示曉諭凡守令有表率之任教官有訓誨之責各宜督  
率生儒謹庠序之教敦禮讓之風理學明則心術正勤

誠當則廉恥興嗣後果有閉戶讀書不履公庭品行醇  
篤者該地方官舉送學道從優作養本都院採風之時  
定加獎勵如有切已事情該學掛號然後赴有司衙門  
陳告若審係虛誣敕官一併記過其有不遵學規干犯  
前項禁約者有司詳報學道請褫號擬若事情重大仍  
通詳以憑叅究如諸生潛修飭行不預外事而文武衙  
門官役兵丁敢於無端擾害者告發訪聞定將官弁置  
之白簡役兵提拿重處各宜凜之

禁賣淫詞諸書示

爲請禁淫詞小說山歌嚴飭隨考書賈以正士心而維  
風化事案據平江縣儒學詳稱書坊刊賣淫詞小說山  
歌最足蠱賊人心目今學道考試諸郡正書賈輻輳之  
時伏懇示禁等情到院據此除詳批候查明飭禁繳印  
發外爲照邪說易以惑衆而淫詞尤傷風化今新任學  
道按考所屬誠恐書賈射利販賣流傳殊屬不法合行  
飭禁爲此仰長沙府官吏即便出示嚴飭禁止前項諸  
書如有不法之徒私藏發賣者立即嚴拿究治如該地



方各官通同容隱不查不禁者一經訪實定行提究不  
貸仍移明各府州一體遵照出具遵依報查毋違

兵政類

委張參議曉諭紅苗示

爲仰體

聖主好生之德姑開蝥苗免死之門特先曉諭招撫以  
廣

皇恩事照得鎮筸紅苗醜類相傳歷世已久人面獸心  
貪利好殺數年以來出沒剽竊犯我營哨擾我民居奪  
我內地牲畜甚至坐卡裝塘拿人勒贖邊民受爾荼毒  
恨入骨髓從前文武官因先經報撫沿襲前局任爾反

覆姑息食糴爾苗窺見底裡益肆猖狂今則惡貫已盈  
罪狀敗露上年叩 開一案

欽差會審本都院身歷邊疆察知情實脩細入 告

皇上軫念邊民獨遭慘刻赫然震怒不日便要發兵三  
路進剿區區爾苗如魚遊釜似鳥投羅殄滅有期死亡  
在即此亦自作之孽何所逃罪但本都院伏見我  
皇上至仁如天昆蟲草木猶使並生爾苗既具人形同  
有血氣則皆屬

朝廷赤子一旦肝腦塗地暴首深林亦堪憐憫况爾苗

各有父母各有妻子伏處山谷室家團聚亦有生人之樂乃無知造惡自干

天罰 大兵一臨死無噍類在爾苗固不足惜爾之父母妻子何辜累其俘戮就使西竄東奔苟延殘喘而焚巢掘穴家破人離豈復有今日團聚之樂乎方今

聖天子在上四海昇平萬方一統不毛之土盡隸版圖如川省之打箭爐及松潘梓臘井永寧邕營等處生番俱已投誠歸順

皇上恩授土司職銜頒給號紙他們身名兩全誠爲可

自治官書

卷九

告示

委張泰儀曉諭紅苗

八

廣策堂

嘉惟爾紅苗冥頑不靈其心化外本都院再四思維爾  
苗亦有肺腸豈不貪生怕死揆厥所由或因爾等無管  
生苗並無頭目鈐束又鎮守地方未經設立文官爾苗  
與內地人民小嫌爭角無從控理曲直又或因近地奸  
民欺騙錢債交易不公結成仇怨勾通捉人勒贖得銀  
分肥又或因邊汛頭目生事邀功妄開邊釁且或因無  
賴流棍潛入苗境私販禁物煽誘爲非兼有天星等寨  
倚爲狡窟故爾等胸中原有怨忿更使墮落奸謀以致  
冒死犯法糾衆報復利入棍徒罪歸苗黨愚執甚焉本

都院奉

天子命來撫湖南欽遵

上諭力戒加耗盡革私徵七府二州數百萬生靈俱成  
樂土只有爾苗未聽約束邊民未得安堵難免一方向  
隅本都院既不忍吾民受爾苗擾害又不忍爾苗受不  
教之殺蒞任數月寢食不安幸 督部院與 提督  
總鎮共有同心爲爾等尋一活路協力擔承姑開一面  
暫緩

天誅特委署辰沅靖道事衡永郴道張黎議前來宣布

皇恩開誠曉諭正爾苗轉禍爲福起死回生之機也非  
不知爾苗雖蠢而點有撫卹順旋撫旋掠叛服無常情  
僞難定但本都院推心置腹務以誠信待人豈忍逆料  
欺詐拒爾自新如爾苗不改故習仍前反覆自可立刻  
上聞遣兵撲勦斷無牽制遮飾再蹈前車除一面嚴飭  
官弁兵民并密訪奸徒流棍擒拿重處外合行頒發示  
諭特飭該道等官員賡示爾苗各寨人等知悉從前罪  
狀概免

恩赦不究果能真心向化永遠歸誠剃髮摘環開造口

口遵照往例酌納丁糧便卽通傳各寨推立頭目限於  
半月內齊赴該道張叅議處投冊報名輸情立誓如爾  
苗從前果有隱情負屈併嗣後如何利便不妨據實開  
列明白聲說以便飛報 督部院與本都院查明就撫  
實情本都院當卽會商督部院親臨面諭安撫量行犒  
賞併就近相度事宜爲爾苗盡心區處然後會疏  
題請定奪仍飭地方文武官一視同仁信賞必罰務令  
民苗各安生業本都院素性坦直從無半語欺人決不  
使爾苗旣歸



皇化復憂失所倘若執迷不悟觀望游移則是爾苗  
天數已盡自絕生機便當飛章 奏請三省會兵夾勦  
令攻掃清巢穴本都院即欲爲爾等再尋活路不可得  
矣生死禍福在此一時各宜猛省毋貽後悔特諭

禁老弱兵丁冒濫克數示

爲嚴飭訓練以資援勦事照得本都院一標兩營設立  
遊守千把統領馬步戰守兵丁無事則駐防預備有事  
則撥助先驅誠不可一日懈弛以貽軍功薙也查本標  
弁目兵丁年力壯健巧馬閑熟者固多而年力衰懦巧  
馬生疎者亦不少皆由該將因循陋習及瞻徇情面姑  
畱無用之兵虛糜有用之餉甚非所以講軍實而脩不  
虞也合行飭查卽將該營守備千把嚴加考核註明優  
劣據實詳報以憑覆奪併轉飭守備千把將該管百總

管隊兵丁逐一察明老弱不堪及疎庸怠慢者造冊申報由該將核轉候示其徇私容隱及舉報失實者察出定行究處本都院除大操外仍將四千總分簽定期掣試每掣着某千總則該備率領本千總所管把總百總管隊各兵丁聽候考試如有紀律不嫻步伍不肅以及材質驕劣目濫委克者立行分別緝打革伍該將亦難辭通同失察之咎法在必行慎毋玩視等因除行各將領遵照外合行出示曉諭爾等身列行伍既受

朝廷奉養之恩須効捍禦封疆之力如有怠情儻安平

時不勤操演老弱克數當場不諳騎射者除分別細打  
革伍示懲外定將該管將領以通同失察叅處各宜凜  
遵毋貽後悔

刑政類

禁刁訟示

爲嚴飭事照得本都院蒞任之始例應放告但恐刁唆訟師捏通積棍捏詞誣讐或翻舊爲新或裝小成大希圖一准詐害多端殊屬不法合行嚴飭爲此示仰撫屬軍民人等知悉如果貪官蠹役欺蹟有據及重大事情自赴司道府縣控告不與准理者許遵照頒式直書情節至期當堂投遞以憑閱奪其刁訟積棍前項等弊一經察出定行依律究擬併提代書重處斷不輕貸再四

月至七月俱係農忙停訟嗣後概不許攔街賣喊違者  
立拿枷責毋得混擾取咎

禁矜監告許示

爲嚴飭劣矜告許以除積弊事照得湖南大害莫甚於私派本都院欽承

諭旨嚴加禁革三令五申務期盡改銅習以甦民困但私派之橫行總由劣矜之狼狽蓋劣矜搶通棍蠹指揮黨惡借官爲題因一派十盈千鉅萬衆惡烹分鄉野愚民畏其兇焰吞聲進奉折產破家每完私派速於完正供皆由劣矜逼迫是以不敢拖延不然區區州縣正供錢糧尚且敲扑不應安能大膽私派有徵不得也至所

自前年書  
派銀錢半歸衿棍倘或私派不遂更或分贓不均則又  
挺身出告列款牽連挾制濫詐甚有買人告已則又挺  
身出賃希圖請息暗地分贓種種惡劣言之髮指吏治  
之壞壞於此輩民生之困困於此輩伏讀

御製訓飭士子文內開宅心弗淑行已多愆或蜚語流  
言脅制官長或隱糧包訟出入公門或唆撥奸猾欺孤  
凌弱或招呼朋類結社要盟乃州之人名教不容鄉黨  
弗齒

聖明誥誡自宜凜切焚瘞豈意怙惡不悛借稱士民公



舉一紙而牽告十餘事一呈而扯引數十人但係地方  
竊獎自有里民告發况係各人被害何須代訴公庭更  
究所謂士者雖一時冒認生員其實非係武生卽是頂  
生倚藉護符官長莫施其法結黨武斷賍私必罄方休  
訟勝則飽狼貪揚揚得志審輸亦稱奸決處處威行本  
部院訪聞洞悉立意剪除現在通行各學凡有事出入  
衙門者俱照格限冊抄單用印給發當堂呈遞查閱其  
監生亦隨帶 部照資驗外合行出示嚴飭爲此示仰  
闔屬官吏監生軍民人等知悉嗣後一應生監如有真

正切已事情帶同抱告據實具告併開明某學生員或  
武生及貢生併監生俱呈送該學印單併部給印照  
各衙門當堂查對相符方與准理仍報明本都院查考  
如無學單部照卽照齊民一體行法以懲假冒其不  
係切已事情仍借士民公呈名色與混稱生員投遞條  
陳無端牽告詐害地方及夥同光棍被告此証者除不  
准外定照違制律嚴行治罪輕則脊革重則究擬其  
各文武衙門如縱容劣衿生事通同詐害察出卽行糾  
參斷不寬假姑畱根莠慎之慎之

禁佐吏擅理民詞示

爲嚴禁雜職婪賍害民以肅法紀以期安輯事照得審  
理詞訟責成印官佐貳不得擅受民詞久經嚴飭在案  
至於首領雜職止以脩公務差遣原無審理詞訟之例  
乃有印官怠惰偷安不理政事且以批詞作照看以兩  
造當人情甚至典檢吏目儼然承問之官勾通內幕裏  
外朋奸有詳卽免無說不行因而劣矜土棍交結贓官  
見事生波誣幫取利益此輩微程有限既無違大可期  
謂上司察訪難周故爾刑威不怕一詞到手總無空放

之生百計婪財那顧剗心之痛而印官方且喜其逢迎  
不加禁止更有貪其暮餽畱作私門竟以百姓之膏脂  
供此等之魚肉本都院確有訪聞不勝痛恨除現在叅  
拿盡法究處外合行出示嚴飭爲此示仰閭屬軍民人  
等知悉凡一應詞訟俱聽印官審理如有佐貳擅受民  
詞及印官不自理詞訟批發典檢吏目與典檢吏目出  
一票差一役或拘人犯或派陋規許被害人等即扭執  
原役原票赴轅首告以憑叅究其印官井上司失察一  
併叅處法在必行斷不姑貸

# 禁私設名色示

爲嚴禁棍徒私設名色以靖地方事照得民間諸事自有地方官主持其不公不法許赴上司告理乃楚南惡俗每多棍徒私立老人廟頭方長等項名色交通學霸衙蠹結黨橫行凡民間一切事件悉由武斷是非任其顛倒起戒聽其主張荼毒一方無所不至甚至大而入命賊盜小而戶婚鬭毆無不一手握定取利烹分窮民飲恨莫可控訴而不肖各官又畏其告發陰私存作保留地步率皆通同故縱以致惡棍益肆鴟張目無法紀

民害日甚民怨日深殊可痛恨合行出示嚴革爲此示仰撫屬軍民人等知悉凡鄉村市鎮所有老人廟頭方長名色盡行革除自示之後如有棍徒仍蹈前轍流毒地方者或經本都院訪聞或被受害人告發定照光棍例治罪該地方官因循瞻顧叢惡害民定行一併

題叅本都院法在必行斷不姑縱各宜凜遵毋貽後悔

禁健訟擾民示

爲嚴飭無知健訟以杜棍擾以安民生事照得物情不平爭訟乃生未有無知健訟如湖南今日之甚者狀元准不止訟不勝不休且不論事情之輕重併不知衙門之大小戶婚田土必以告院爲能叫枉呼冤似有剝膚之痛每當放告必擁擠盈庭卽偶公出輒攔輿投控及經披閱多係平常細事或是屢告未准且下屬承審而必從上訴理虧被議而百計圖翻甚至架空中之閣鼓不風之波累幅長篇盡是無根浪語婦女老幼都成習

慣油腔總由於藐法訟棍欺騙愚頑代做一詞卽得一  
詞之利替寫一紙卽獲一紙之錢一告不准則哄以再  
告一事未了而便牽彼事迨至真情敗露究其寫作姓  
名或稱請過路人代寫或云借筆命人代做執迷不悟  
耳受牢籠誣告而不顧反坐之條拖累而竟蹈破家之  
慘殊堪痛恨亦可矜憐除訪拏訟棍究處外合行出示  
嚴飭爲此示仰撫屬平民人等知悉嗣後凡投遞一切  
呈狀俱要開明寫作姓名住址何處以憑據詞查問不  
得以過往推命之人混供卸責如詞內不直書寫作姓



名除不准外定行提究不貸

工政類

禁船行指索示

爲嚴禁船行指索船戶以甦積累事照得麻舡二船窮民操駕藉以資生所獲無幾豈堪奸牙腹剝訪聞常德府船行愍不畏死指勒麻舡等船每兩只付八錢又將低潮攬換且不令客民船戶見面苑空篋弄恣意侵肥深可痛恨乃地方官絕不留心禁飭使船戶不聲莫告縱奸虐民殊干法紀合行示禁嗣后凡有客民僱船裝載貨物無論大小俱聽客民船戶三面講價兌銀不許

船行暗中扣剋併抽換銀色其牙用每兩不得過三分  
敢有好牙不遵示禁仍蹈前轍者許船戶人等指名赴  
轍控告以覈立拿重究決不寬貸

禁抽江勒索示

爲再行嚴革抽江勒索以除商困事照得天柱縣每年額設木稅三十兩甚爲有限乃不肖縣官藐法橫征一歲所入不下數十倍且縱容家丁蠹役任意勒索大戕稱收又有地棍奸牙借稱飯食夥同私徵更於三門塘菜溪寨新市寨等處設立抽江名目相隔不過五里十里每排抽銀二錢四錢不等不知奉何明文敢於肆橫索詐該管有司惟圖腹削肥囊遂爾通同縱虐本都院深爲痛恨是以檄飭靖州嚴拿併將本年正月起至七

月終止該縣應解司銀三十兩外自八月初一日起至  
年終止一槩不許徵收其應解司庫銀本都院自捐補  
項至以後應解兌餉銀兩聽候另行酌奪業已出示關  
所曉諭在案所有該縣抽江陋契合併嚴行飭革如有  
不法敢行攔阻需索分毫該州立即拿解究訊併將失  
察官叅處決不姑貸慎毋以身試法

禁派沙夫供役示

爲嚴禁事照得長沙城廂善化縣境住有淘沙人民原係窮黎謀生無術以致終歲拮据街衢興覓蠅息以爲度活之資而駐省各衙門每以割草掃地動輒派令沙夫應用本都院蒞任以來屢據聚庭呼籲查此等細民每日趑趄餬口該管各官何得勒派供役以致沙夫棄奔西走應接不暇竟同在官之身更切枵腹之苦殊非軫恤至意合行出示嚴禁爲此示仰撫屬文武各官知悉嗣後各該衙門如有割草掃地務各給發工食僱工

應用毋得沿襲陋規縱令衙役勒派淘沙夫役致滋苦累倘仍不遵定卽鎖拏該管經承嚴加究懲不貸